

მოყვარულთა ლიგა 2023

თბილისის ლიგის 2023 წლის სეზონი

GAFFA

GEORGIAN AMATEUR FOOTBALL ASSOCIATION



საშეჯიბრო დებულება

2023

საქართველოს სამოყვარულო ფეხბურთის ასოციაცია

მისამართი: 0160, პეკინის ქ. 34, თბილისი, საქართველო

ტელეფონი: 577 322 867, 577 02 08 63

ელ-ფოსტა: info@gafa.ge registration@gafa.ge

სარჩევი

1	მიზანი.....	4
2	მოქმედების სფერო.....	4
3	მოქმედების სფერო - ფიზიკური და იურიდიული პირები	4
4	მოქმედების დრო	5
5	განმარტებები	5
6	ჩემპიონატის ორგანიზატორი	6
7	თბილისის ლიგა 2023-ში მონაწილეობის უფლება.....	7
8	თბილისის ლიგა 2023-ის ჩატარების სისტემა	10
9	თბილისის ლიგა 2023-ის ჩატარების პირობები.....	11
10	მოთამაშის რეგისტრაცია გუნდში.....	14
11	სათამაშო ფორმა - სავალდებულო ეკიპირება	15
12	სათამაშო ფორმის ფერი.....	15
13	უსაფრთხო ეკიპირება	15
14	სათამაშო ფორმების უზრუნველყოფა	16
15	ფარმ-გუნდი.....	17
16	თბილისის ლიგის ჩატარების ადგილი	18
17	მსაჯობა	18
18	მატჩის დელეგატი და კოორდინატორი	19
19	სამედიცინო და უსაფრთხოების საკითხები	20
20.	დაჯილდოება	20
21.	გაუთვალისწინებელი შემთხვევები	21
22.	დასკვნითი დებულებები	22
	დანართი 1. სატრანსფერო ფურცელი	23
	დანართი 2. ახალი ან თავისუფალი ფეხბურთელის დამატების შესახებ	0
	დანართი 3. თავისუფალი აგენტის სტატუსის მქონე ფეხბურთელის დამატების შესახებ	1

საშეჯიბრო დებულება

წინამდებარე დებულება მიღებულია და დამტკიცებულია საქართველოს სამოყვარულო ფეხბურთის ასოციაციის (სსფა) გამგეობის მიერ, ორგანიზაციის წესდების მე-5 და მე-7 მუხლების შესაბამისად.

1 მიზანი

„მოყვარულთა ლიგა 2023“-ის, მათ შორის, „თბილისის ლიგა 2023“ - ის (შემდგომში დებულების ტექსტში - ჩემპიონატი) მიზანია:

- ა. ფეხბურთის მასობრიობის განგრძობადი ზრდა;
- ბ. ფეხბურთის შემდგომ განვითარება და პოპულარიზაცია;
- გ. ჯანსაღი და სპორტული ცხოვრების წესის დამკვიდრება და პოპულარიზაცია საზოგადოებაში;
- დ. სტაბილური, ყოველწლიური სამოყვარულო საფეხბურთო ლიგების განვითარება და პოპულარიზაცია;
- ე. ნიჭიერი ახალგაზრდა ფეხბურთელების აღმოჩენა;
- ვ. სპორტული ინფრასტრუქტურის აღდგენა, ამოქმედება და განვითარება, თბილისის მასშტაბით;
- ზ. ვეტერანი ფეხბურთელების დაბრუნება სპორტში;
- თ. დამწყები მწვრთნელებისა და მსაჯების პროფესიული განვითარების ხელშეწყობა;
- ი. UEFA REGIONS' CUP-ის მონაწილე გუნდის კანდიდატების შერჩევა და მომზადება;
- კ. საქართველოს დავით ყიფიანის თასზე მონაწილე გუნდის კანდიდატების შერჩევა და მომზადება;
- ლ. სამოყვარულო საფეხბურთო კლუბების (ბავშვთა გუნდების ჩართულობით) ჩამოყალიბება და განვითარება;
- მ. სამოყვარულო ფეხბურთის მასშტაბური განვითარების ხელშეწყობა;
- ნ. მოყვარულთა ლიგისა და, ზოგადად, მასობრივი სპორტის პრინციპებისა და ღირებულებების დანერგვა და პოპულარიზაცია;
- ო. მასობრივი ფეხბურთის და, ზოგადად, ფეხბურთის, როგორც სპორტის სახეობის პრესტიჟის ამაღლება საზოგადოებასთან სწორი კომუნიკაციისა და მაღალი ხარისხის გაშუქების უზრუნველყოფით;
- პ. მოყვარულთა ლიგის სადისციპლინო ორგანოს განვითარება.

2 მოქმედების სფერო

დებულების მოქმედება ვრცელდება სსფა-ის მიერ მოყვარულთა ლიგა 2023-ის ეგიდით ორგანიზებულ თბილისის ლიგის მატჩებსა და ეტაპებზე.

3 მოქმედების სფერო - ფიზიკური და იურიდიული პირები

წინამდებარე დებულება ვრცელდება შემდეგ პირებზე:

- კლუბებზე / გუნდებზე;
- ოფიციალურ წარმომადგენლებზე;
- ფეხბურთელებზე;
- მატჩის ოფიციალურ პირებზე;
- გულშემატკივრებზე / მაყურებლებზე;
- სსფა-ის მიერ ავტორიზებულ პირებზე, კერძოდ, იმ პირებზე, რომლებიც ავტორიზებულები, ლიცენზირებულები ან/და დროებით დაქირავებულნი არიან სსფა-ის მიერ.

4 მოქმედების დრო

წინამდებარე დებულება გამოიყენება იმ ფაქტების მიმართ, რომელებიც წარმოიშვა მისი ძალაში შესვლის შემდეგ, თბილისის ლიგის 2023 წლის სეზონის დასრულებამდე.

5 განმარტებები

1. **სსფა** - საქართველოს სამოყვარულო ფეხბურთის ასოციაცია.
2. **სფფ** - საქართველოს ფეხბურთის ფედერაცია.
3. **FIFA** - საფეხბურთო ასოციაციათა საერთაშორისო ფედერაცია.
4. **UEFA** - ევროპის საფეხბურთო ასოციაციათა კავშირი.
5. **მატჩის დაწყებამდე პერიოდი** - დრო გუნდების სტადიონზე გამოცხადებიდან მთავარი მსაჯის საწყის სასტვენამდე.
6. **მატჩის შემდგომი პერიოდი** - დრო მთავარი მსაჯის საბოლოო სასტვენიდან გუნდების მიერ სტადიონის ტერიტორიის დატოვებამდე.
7. **მატჩის მიმდინარეობა** - სსფა-ის საშეჯიბრო დებულებების შესაბამისად საფეხბურთო მატჩისთვის განსაზღვრული დრო, კერძოდ, დრო მთავარი მსაჯის საწყის და საბოლოო სასტვენებს შორის.
8. **ფეხბურთელი** - სსფა-ის ორგანიზებით გამართული ჩემპიონატის მონაწილე სამოყვარულო საფეხბურთო კლუბის/გუნდის შეამდგენლობაში სსფა-ის საშეჯიბრო დებულებებით განსაზღვრული წესების დაცვით რეგისტრირებული პირი
9. **ოფიციალური წარმომადგენლები** - კლუბის/გუნდის წარმომადგენელი ნებისმიერი პირი, ფეხბურთელების გამოკლებით, რომელიც ასრულებს ფეხბურთთან დაკავშირებულ საქმიანობას განურჩევლად მისი თანამდებობისა, როლისა (ადმინისტრაციული, სპორტული ან სხვა) ან/და საქმიანობის ხანგრძლივობისა; მათ შორის, მენეჯერები, მწვრთნელები და დამხმარე პერსონალი არიან ოფიციალური წარმომადგენლები.
10. **მატჩის ოფიციალური პირი** - მთავარი მსაჯი, მთავარი მსაჯის ასისტენტები, მეოთხე მსაჯი, მატჩის დელეგატი, კოორდინატორი, მსაჯთა დამკვირვებელი (კომისარი), უსაფრთხოებაზე ან/და სამედიცინო დახმარებაზე პასუხისმგებელი პირი და სსფა-ის მიერ სპეციალურად დანიშნული ნებისმიერი სხვა პირი, რომელსაც პასუხისმგებლობა ეკისრება მატჩის ორგანიზებასთან დაკავშირებით.
11. **სსფა-ის რეგულაციები** - სსფა-ის საშეჯიბრო დებულება, სადისციპლინო კოდექსი,

ბრძანებები, გამგეობის გადაწყვეტილებები, სხვა დებულებები და დამატებითი რეგულაციები, ასევე, ფეხბურთის საერთაშორისო ასოციაციის საბჭოს (IFAB) მიერ მიღებული თამაშის წესები (Laws of the Game).

12. **ჩემპიონატი** - სსფა-ის მიერ ორგანიზებული ლიგის სისტემით გამართული სამოყვარულო საფეხბურთო ტურნირი თბილისის ლიგა 2023.
13. **მატჩი** - სსფა-ის მიერ ორგანიზებული ჩემპიონატის საფეხბურთო შეჯიბრი ორ სამოყვარულო საფეხბურთო გუნდს შორის.
14. **სამოყვარულო საფეხბურთო კლუბი** - სამოყვარულო საფეხბურთო გუნდი, რომელიც რეგისტრირებულია იურიდიულ პირად საქართველოს კანონმდებლობის შესაბამისად.
15. **ტექნიკური ზონა** - საფეხბურთო მოედნის კონკრეტული ნაწილი, რომელიც გამოყოფილია ფეხბურთელებისა და გუნდის ოფიციალური წარმომადგენლებისათვის.
16. **მაყურებელი / გულშემატკივარი** - პირი, რომელიც არ არის ფეხბურთელი, ოფიციალური წარმომადგენელი, მატჩის ოფიციალური პირი და მატჩს ესწრება მაყურებლისთვის / გულშემატკივრისთვის სპეციალურად გამოყოფილი ადგილიდან.
17. **კომერციული უფლებები:** ნებისმიერი და ყველა კომერციული უფლება და შესაძლებლობები ჩემპიონატში და მასთან მიმართებით (გულისხმობს ყველა მატჩს), მათ შორის მედიის უფლებები, მარკეტინგის უფლებები და მონაცემთა უფლებები;

6

ჩემპიონატის ორგანიზატორი

1. „თბილისის ლიგა 2023“-ს ხელმძღვანელობს და ორგანიზებას უწევს საქართველოს სამოყვარულო ფეხბურთის ასოციაცია (შემდგომში - სსფა) და საქართველოს ფეხბურთის ფედერაცია (შემდგომში - სფფ).
2. „თბილისის ლიგა 2023“-ის პარტნიორები არიან ქალაქ თბილისის მუნიციპალიტეტის მერია და ქართული ფეხბურთის განვითარების ფონდი.
3. ჩემპიონატში მონაწილეობენ სამოყვარულო საფეხბურთო კლუბები, რომლებიც ემორჩილებიან IFAB-ის (ფეხბურთის საერთაშორისო ასოციაციების საბჭო) მიერ დადგენილ თამაშის წესებს და ექვემდებარებიან ამ დებულებას, სსფა-ს სადისციპლინო კოდექსსა და სადისციპლინო ორგანოების გადაწყვეტილებებს, ასევე, ითვალისწინებენ სამართლიანი თამაშის (FAIR PLAY) წესებს.
4. „თბილისის ლიგა 2023“-ის კალენდარი წარმოადგენს სსფა-ს საკუთრებას. სსფა-ს შეუძლია არსებული კალენდარის გამოყენება სარეკლამო, კომერციული და სხვა მიზნით. მატჩების განრიგი და დრო განისაზღვრება სსფა-ს მიერ დამტკიცებული კალენდრის მიხედვით.
5. საფეხბურთო მოედნებზე, სადაც ჩატარდება „თბილისის ლიგა 2023“-ის მატჩები, სარეკლამო დაფის განთავსება და ნებისმიერი სხვა სახის სარეკლამო აქტივობის განხორციელება შესაძლებელია მხოლოდ სსფა-ს თანხმობით და აღნიშნული აქტივობებიდან განთავსებით მატერიალურ სარგებელს იღებს მხოლოდ სსფა. სარეკლამო მომსახურების საფასურს ყოველ კონკრეტულ შემთხვევაში განსაზღვრავს სსფა.

7

თბილისის ლიგა 2023-ში მონაწილეობის უფლება

1. „თბილისის ლიგა 2023“-ში მონაწილეობის უფლება აქვთ საქართველოს კანონმდებლობის შესაბამისად იურიდიულ პირებად რეგისტრირებულ სამოყვარულო საფეხბურთო კლუბებს.
2. გუნდის განაცხადის ძირითადი ნაწილი შედგება არანაკლებ 20 და არაუმეტეს 30 მოთამაშისაგან.
3. თუ ფეხბურთელი ერთხელ მაინც დარეგისტრირდება მოყვარულთა ლიგის 2023 წლის სეზონში, რომელიმე გუნდის/კლუბის შემადგენლობაში, იგი, ამავდროულად, რეგისტრირდება სსფა-ს ბაზაში, მას მიენიჭება რეგისტრირებული ფეხბურთელის სტატუსი და მისი გუნდიდან გუნდში გადასვლა შესაძლებელია მხოლოდ სატრანსფერო ფანჯრის პერიოდში. მუნიციპალური ეტაპის მონაწილე მოყვარული ფეხბურთელი არ ჩაითვლება ამ პუნქტის მიხედვით რეგისტრირებულ მოთამაშედ.
4. თითოეულ გუნდს, ხსენებული 30 (ოცდაათი) მოთამაშის გარდა, სურვილის შემთხვევაში, უფლება აქვს, რეგისტრაციის პროცესში, განაცხადში დაარეგისტრიროს მაქსიმუმ 10 (ათი) მოთამაშე (30+10 პრინციპი). თითოეული მოთამაშის დამატებისათვის სამოყვარულო საფეხბურთო გუნდი წინასწარ იხდის დადგენილ თანხას - 50 (ორმოცდაათი) ლარს და ოფიციალურად არეგისტრირებს ფეხბურთელს განაცხადში. მხოლოდ ამის შემდეგ ეძლევა უფლება მოთამაშეს მიიღოს მონაწილეობა მატჩებში.
5. იმ შემთხვევაში, თუ მოყვარული ფეხბურთელი გუნდს დატოვებს სატრანსფერო ფანჯრის დამთავრების შემდეგ, მას არ აქვს რეგისტრაციის უფლება სხვა კლუბში შემდგომ სარეგისტრაციო პერიოდამდე.
6. ფეხბურთელის რეგისტრაციის უფლება, ნებისმიერი წესით, „მოყვარულთა ლიგა 2023“-ის მონაწილე ყველა გუნდს უწყდება 2023 წლის 31 სექტემბრის შემდეგ. გამონაკლისის სახით, მოყვარულთა ლიგის ფინალური ეტაპის განაცხადში შესაძლებელია 7.4. პუნქტში მითითებული წესით ორი ადამიანის, თავისუფალი აგენტის სტატუსის მოთამაშის დამატება
7. ჩემპიონატში მონაწილეობის მსურველმა გუნდებმა სსფა-ში უნდა წარმოადგინონ შემდეგი სახის დოკუმენტაცია:
„თბილისის ლიგა 1“-ის მონაწილე გუნდებმა:
 - ამონაწერი საჯარო რეესტრის ეროვნული სააგენტოდან, რომლითაც დასტურდება სამოყვარულო საფეხბურთო კლუბის იურიდიულ პირად რეგისტრაცია;
 - არანაკლებ 20 (ოცი) და არაუმეტეს 40 (ორმოცი) (30+10 პრინციპი) ფეხბურთელით (მინიმუმ ორი მეკარე) დაკომპლექტებული გუნდის განაცხადი ელექტრონულ მისამართზე registration@gafa.ge, რომელშიც მითითებული უნდა იყოს ყველა ფეხბურთელის სათამაშო ნომერი. განაცხადის ფორმა გუნდს მიეწოდება საქართველოს სამოყვარულო ფეხბურთის ასოციაციის მიერ, მოთხოვნის შესაბამისად;
 - მოთამაშეთა პირადობის დამადასტურებელი მოწმობების ასლები;
 - საწევრო გადასახადის (2 500 ლარი) გადახდის დამადასტურებელი ქვითარი;
 - მოთამაშეთა ფოტოსურათების (3/4-ზე) ელექტრონული ვერსია შემდეგ ელექტრონულ მისამართზე: registration@gafa.ge;

- გუნდის ლოგო (სამუშაო, ე.წ. ვექტორული ფაილი);
 - გუნდს უნდა ჰქონდეს ორი ერთმანეთისგან მკვეთრად განსხვავებული ფერის სათამაშო ფორმა, რომლის ზურგზეც განთავსებული უნდა იყოს მოთამაშის ნომერი, ხოლო მკერდზე, მარცხენა მხარეს, კლუბის ლოგო. თბილისის ლიგა 1-ის და თბილისის ლიგა 2-ის მონაწილე გუნდის თითოეული სათამაშო ფორმის კომპლექტზე აკრძალულია ნებისმიერი სხვა ჩემპიონატის ლოგოს განთავსება, გარდა „მოყვარულთა ლიგა“-ს ლოგოსი. რეგისტრაციის მსურველმა კლუბებმა ფორმების ნიმუშები უნდა წარმოადგინონ საქართველოს სამოყვარულო ფეხბურთის ასოციაციის ოფისში.
- „თბილისის ლიგა 2“-ის მონაწილე გუნდებმა:
- ამონაწერი საჯარო რეესტრის ეროვნული სააგენტოდან, რომლითაც დასტურდება სამოყვარულო საფეხბურთო კლუბის იურიდიულ პირად რეგისტრაცია;
 - არანაკლებ 20 (ოცი) და არაუმეტეს 40 (ორმოცი) (30+10 პრინციპი) ფეხბურთელით (მინიმუმ ორი მეკარე) დაკომპლექტებული გუნდის განაცხადი ელექტრონულ მისამართზე registration@gafa.ge, რომელშიც მითითებული უნდა იყოს ყველა ფეხბურთელის სათამაშო ნომერი. განაცხადის ფორმა გუნდს მიეწოდება საქართველოს სამოყვარულო ფეხბურთის ასოციაციის მიერ, მოთხოვნის შესაბამისად;
 - მოთამაშეთა პირადობის დამადასტურებელი მოწმობების ასლები;
 - საწევრო გადასახადის (2 000 ლარი) გადახდის დამადასტურებელი ქვითარი;
 - მოთამაშეთა ფოტოსურათების (¾-ზე) ელექტრონული ვერსია შემდეგ ელექტრონულ მისამართზე: registration@gafa.ge;
 - გუნდის ლოგო (სამუშაო, ე.წ. ვექტორული ფაილი);
 - გუნდს უნდა ჰქონდეს ორი ერთმანეთისგან მკვეთრად განსხვავებული ფერის სათამაშო ფორმა, რომლის ზურგზეც განთავსებული უნდა იყოს მოთამაშის ნომერი, ხოლო მკერდზე, მარცხენა მხარეს, კლუბის ლოგო. თბილისის ლიგა 1-ის და თბილისის ლიგა 2-ის მონაწილე გუნდის თითოეული სათამაშო ფორმის კომპლექტზე აკრძალულია ნებისმიერი სხვა ჩემპიონატის ლოგოს განთავსება, გარდა „მოყვარულთა ლიგა“-ს ლოგოსი. რეგისტრაციის მსურველმა კლუბებმა ფორმების ნიმუშები უნდა წარმოადგინონ საქართველოს სამოყვარულო ფეხბურთის ასოციაციის ოფისში.
8. „თბილისის ლიგა 1“-ის მონაწილე გუნდებისათვის საწევრო გადასახადი შეადგენს 2 500 (ორიათას ხუთასი) ლარს, ხოლო „თბილისის ლიგა 2“-ის მონაწილე გუნდებისათვის კი - 2 000 (ორი ათასი) ლარს. ჩემპიონატის გუნდის/კლუბის მიერ ვადაზე ადრე დატოვების შემთხვევაში, საწევრო გადასახადი მას უკან არ უბრუნდება.
 9. „თბილისის ლიგა 2023“-ის მონაწილე გუნდებმა ფეხბურთელები განაცხადში უნდა შეიყვანონ სათამაშო ფორმაზე მითითებული ნომრების შესაბამისად. ნომრები შესაძლებელია დაკორექტირდეს, მხოლოდ განაცხადში ახალი ფეხბურთელის დამატების ან/და განაცხადიდან ფეხბურთელის ამორიცხვის შემთხვევაში.
 10. მონაწილე გუნდის განაცხადში შეყვანილი ფეხბურთელების ასაკი განისაზღვრება 16 წლიდან.
 11. ჩემპიონატის მონაწილე გუნდის განაცხადში უნდა იყოს არანაკლებ 20 და არაუმეტეს 40 მოთამაშე (30+10 პრინციპი). მონაწილე გუნდებს უფლება არ აქვთ განაცხადში შეიყვანონ ფეხბურთელი, რომელიც რეგისტრირებულია მითითებული ლიგების რომელიმე გუნდში - საქართველოს ეროვნული ლიგა 1, ეროვნული ლიგა 2, ლიგა 3, ლიგა 4, რეგიონული

ლიგები (ყველა რეგიონული ლიგა), ჭაბუკთა ლიგები. გამონაკლისს წარმოადგენს ფუტსალის ლიგა და ფუტსალის ლიგა 2, სადაც რეგისტრირებული მხოლოდ ერთი მოთამაშის (იგულისხმება ჯამურად, ორივე ლიგიდან ერთი ფეხბურთელი) დამატების უფლება ჩემპიონატის მონაწილე გუნდებს მინიჭებული აქვთ. აღნიშნულ საკითხზე პასუხისმგებელია თავად სამოყვარულო საფეხბურთო გუნდი.

12. ჩემპიონატის მონაწილე თითოეულმა გუნდმა, რომელსაც სურვილი აქვს სარეგისტრაციო განაცხადში შეიყვანოს ისეთი პირი, რომელიც იყო 7.11. პუნქტში ჩამოთვლილი ლიგების ნებისმიერი გუნდის მოქმედი ფეხბურთელი, სსფა-ს უნდა წარუდგინოს აღნიშნული პირის გათავისუფლების ცნობა. ცნობაში მითითებული უნდა იყოს გათავისუფლების თარიღი და ხელმოწერილი იყოს უფლებამოსილი პირის მიერ. გუნდს **უფლება არ აქვს** დაიმატოს ასეთი პირი გათავისუფლების ცნობის არსებობის შემთხვევაშიც კი, თუ ამავე ცნობით დასტურდება, რომ აღნიშნული პირის გათავისუფლებიდან სულ მცირე 90 (ოთხმოცდაათი) კალენდარული დღე არ არის გასული.
13. ვინაიდან, 7.11. მუხლში ჩამოთვლილ ლიგებში რეგისტრაციის პრინციპი განსხვავებულია, თითოეულ შემთხვევაში, წარმომადგენელი პრობლემური შემთხვევის დროს, კონკრეტული ლიგის კონკრეტულ კლუბში კონკრეტული მოთამაშის მოქმედი რეგისტრაციის სტატუსი უნდა გაირკვეს სადისციპლინო და საშეჯიბრო კომიტეტების მიერ, 7.11. პუნქტში მითითებული ლიგის ადმინისტრაციასთან და კლუბთან.
14. იმ შემთხვევაში, თუ „თბილისის ლიგა 2023“-ის მონაწილე გუნდების რეგისტრაციის დასრულების შემდეგ, ამ ჩემპიონატის მონაწილე გუნდის განაცხადში შეყვანილი ფეხბურთელი ჩაირიცხება 7.11. პუნქტში ჩამოთვლილ რომელიმე ლიგის გუნდში, „თბილისის ლიგა 2023“-ის მონაწილე გუნდმა ამის შესახებ დაუყოვნებლივ წერილობით უნდა აცნობოს სსფა-ს და მოითხოვოს ასეთი ფეხბურთელის ამორიცხვა განაცხადიდან.
15. გუნდის სახელი არ უნდა შეიცავდეს უცენზურო სიტყვებს და არ უნდა იყოს ღირსების შემლახავი ან პოლიტიკური შინაარსის მქონე.
16. ჩემპიონატში მონაწილეობის მსურველი გუნდების რეგისტრაციის ბოლო ვადაა 2023 წლის 6 მარტი. აღნიშნული თარიღის შემდეგ, არაუგვიანეს ჩემპიონატის დაწყებამდე 7 კალენდარული დღისა, შესაძლებელია განაცხადში განხორციელდეს ცვლილება, შესაბამისი წესით.
17. „თბილისის ლიგა 2023“ წარმოადგენს მოყვარულთა ლიგას შემადგენელ ნაწილს, ამიტომ დაუშვებელია, როდესაც თბილისის ლიგის რომელიმე გუნდში რეგისტრირებული მოთამაშე, პარალელურად, რეგისტრირდება საქართველოს სამოყვარულო ფეხბურთის ასოციაციის ეგიდით გამართულ „მოყვარულთა ლიგა 2023“-ის მუნიციპალურ ეტაპზე თუ რეგიონულ ლიგებში.
18. სსფა-ში რეგისტრირებულ გუნდს უნდა ჰყავდეს მწვრთნელი და წარმომადგენელი, რომელიც უნდა იყოს სხვადასხვა პირი. გუნდს უფლება აქვს ჰყავდეს მოთამაშე მწვრთნელი, მაგრამ არა მოთამაშე წარმომადგენელი.
19. წარმოდგენილი სარეგისტრაციო მონაცემებისა და მატჩის ფოტოების გამოყენების უფლება აქვს სსფა-ს, რელევანტური მიზნებისათვის, ჩემპიონატის ჩატარებისას განსახორციელებელი და მასთან დაკავშირებული აქტივობებიდან გამომდინარე. ჩემპიონატის ფარგლებში შექმნილი ნებისმიერი ფოტო-ვიდეო მასალა ეკუთვნის საქართველოს სამოყვარულო ფეხბურთის ასოციაციას და შეუძლია გამოიყენოს

კომერციული მიზნებისათვის, ჩემპიონატის მიზნებიდან გამომდინარე, საქართველოს კანონმდებლობის შესაბამისად.

8

თბილისის ლიგა 2023-ის ჩატარების სისტემა

1. „თბილისის ლიგა 2023“ გაიმართება 2023 წლის 31 მარტიდან 2023 წლის 29 ოქტომბრის ჩათვლით და მოიცავს „თბილისის ლიგა 1“-ის და „თბილისის ლიგა 2“-ის გათამაშებებს.
2. „თბილისის ლიგა 1“-ში მონაწილეობას იღებს 20 (ოცი) სამოყვარულო საფეხბურთო გუნდი, რომლებიც 2022 წლის სეზონის სატურნირო მდგომარეობის საფუძველზე განაწილდებიან ორ 10-10 გუნდიან – „ა“ და „ბ“ ჯგუფებში. კენტ ადგილზე გასული გუნდები განთავსდებიან „ა“ ჯგუფში, ხოლო ლუწები – „ბ“ ჯგუფში. 2022 წლის თბილისის ლიგა 2-ის გამარჯვებული გუნდი ჩაითვლება მე-17 პოზიციაზე გასულად, მეორეადგილოსანი - მე-18 პოზიციაზე გასულად, ჯგუფების საუკეთესო მეორეადგილოსანი - მე-19 პოზიციაზე, ხოლო ნაკლები ქულის მქონე მეორეადგილოსანი - მე-20 პოზიციაზე.
3. „თბილისის ლიგა 2“-ში მონაწილეობას იღებს 32 (ოცდათორმეტი) სამოყვარულო საფეხბურთო გუნდი, რომლებიც სსფა-ს მიერ ჩატარებული კენჭისყრის საფუძველზე განაწილდებიან ორ 16-16 გუნდიან – „ა“ და „ბ“ ჯგუფებში. კენჭისყრის საფუძველზე გამოვლენილი პირველი გუნდი განთავსდება A ჯგუფში, მეორე გუნდი - B ჯგუფში და ა.შ.
4. „თბილისის ლიგა 1“-ის „ა“ და „ბ“ ჯგუფის მონაწილე გუნდები ჩემპიონატის მატჩებს გამართავენ წრიული სისტემით 1 (ერთი) წრედ, რის შემდეგაც თითოეული ჯგუფის საუკეთესო ხუთი გუნდი (ჯამში 10 გუნდი) დააკომპლექტებს თბილისის ლიგა 1-ის მწვანე ზონას, ხოლო დარჩენილი 10 გუნდი - თბილისის ლიგა 1-ის წითელ ზონას. აღნიშნულ ზონებში გუნდები მატჩებს გამართავენ წრიული სისტემით, ერთ წრედ.
5. მწვანე და წითელ ზონაში მყოფ გუნდებს, შესაბამისად, „ა“ და „ბ“ ჯგუფებში დაკავებული ადგილების მიხედვით, სიმბოლურად მიენიჭებათ ქულები 5-დან 1-მდე.
6. „თბილისის ლიგა 2“-ის „ა“ და „ბ“ ჯგუფებში მონაწილე გუნდები შესაბამის ჯგუფებში ჩემპიონატის მატჩებს გამართავენ წრიული სისტემით 1 (ერთი) წრედ.
7. „თბილისის ლიგა 2023“-ის კალენდარს ადგენს სსფა.
8. „თბილისის ლიგა 2023“-ში თანაბარი ქულების დაგროვების შემთხვევაში, გუნდებს უპირატესობა მიენიჭებათ შემდეგი პრიორიტეტების რიგითობის მიხედვით:
 - უშუალოდ ურთიერთშეხვედრის შედეგი;
 - მოგებათა მეტი რაოდენობა;
 - გატანილი და მიღებული ბურთების უკეთესი სხვაობა;
 - გატანილი გოლების მეტი რაოდენობა;
 - გაშვებული გოლების ნაკლები რაოდენობა;
9. ჩემპიონატის მიმდინარეობისას, თუ რამდენიმე გუნდი აგროვებს თანაბარ ქულებს, ლიგაში მათი ადგილები განაწილდება 8.8. მუხლში მითითებული კრიტერიუმით, ჩემპიონატის დასრულებამდე უპირატესობა ენიჭება გატანილი და მიღებული ბურთების უკეთესი სხვაობას. თუ ჩემპიონატის დასრულების შემდეგ გუნდების ხუთივე მაჩვენებელი თანაბარი აღმოჩნდება, ჩატარდება გადათამაშება ერთი მატჩით. გადათამაშების ძირითადი დროს ფრედ დასრულების შემთხვევაში, დაინიშნება 11 მეტრიანი საჯარიმო დარტყმები გამარჯვებულის გამოსავლენად.

- 10.მწვანე ზონის გამარჯვებულ და პრიზიორ გუნდებს ავტომატურად მიენიჭება თბილისის ლიგა 1-ის გამარჯვებული და პრიზიორი გუნდების სტატუსი. ზონის ყველა - ათივე გუნდი, 2024 წელს, იასპარეზებს თბილისის სუპერლიგაში.
- 11.თბილისის ლიგა 1-ის წითელი ზონის გამარჯვებული გუნდი, ავტომატურად, 2024 წლის სეზონში, ასპარეზობას განაგრძობს თბილისის სუპერლიგაში, ხოლო ზონის მეორეადგილოსანი გუნდი, აღნიშნულის საგზურის მოსაპოვებლად, ფლეი-ოფში, დაუპირისპირდება თბილისის ლიგა 2-ის „ა“ და „ბ“ ჯგუფის მეორეადგილოსნებს შორის გამართულ მატჩში გამარჯვებულ სამოყვარულო საფეხბურთო კლუბს.
- 12.თბილისის ლიგა 2-ის „ა“ და „ბ“ ჯგუფების გამარჯვებული გუნდები, 2024 წლის სეზონში, ავტომატურად, იასპარეზებენ თბილისის სუპერლიგაში.
- 13.თბილისის ლიგა 1-ის წითელი ზონის დარჩენილი რვა გუნდი, თბილისის ლიგა 2-ის „ა“ და „ბ“ ჯგუფის 3-4 ადგილოსან გუნდებთან, ამავე მუხლის მე-11 პუნქტში მითითებულ ფლეი-ოფში დამარცხებულ გუნდთან და თბილისის ლიგა 2-ის „ა“ და „ბ“ ჯგუფის მეორეადგილოსნებს შორის გამართულ მატჩში დამარცხებულ სამოყვარულო საფეხბურთო გუნდთან ერთად, დააკომპლექტებს 2024 წლის სეზონის თბილისის სუპერლიგა 2-ს - სულ 14 გუნდი.
- 14.დარჩენილი გუნდები დააკომპლექტებენ 2024 წლის სეზონის თბილისის ლიგა 3-ს. აღნიშნულ 24 გუნდს, საშეჯიბრო კომიტეტის გადაწყვეტილებით, 2024 წელს, დაემატება გარკვეული რაოდენობის კლუბები.
15. „თბილისის ლიგა 1“-ის გამარჯვებული, მეორე და მესამე ადგილზე გასული გუნდები ავტომატურად ჩაერთვებიან „მოყვარულთა ლიგა 2023“-ის ფინალურ ეტაპზე, ხოლო მეოთხეადგილოსანი, ფინალური ეტაპის საგზურის მოსაპოვებლად, ფლეი-ოფში დაუპირისპირდება თბილისის ლიგა 2-ის გამარჯვებულს.
16. „თბილისის ლიგა 2“-ის „ა“ და „ბ“ ჯგუფების გამარჯვებული გუნდები, სეზონის ბოლოს, გამართავენ ფინალურ მატჩს, სადაც გამოვლინდება თბილისის ლიგა 2-ის ჩემპიონი.
- 17.თბილისის ლიგა 1-ის მონაწილე გუნდები არიან: აფხაზეთი, ბასა, ბასიანი, გრასრუტი, ამბასადორი, კვარტალი, სტრადა, ნახალოვკა, სეუ, უქიმერიონი, შევარდენი, ვაკე, კოლხეთი, მეთოფეები, პანენკა, ღამურა, თბილისი სითი, შტურმი 2022, მრეტები, შავნაბადა.
- 18.თბილისის ლიგა 2-ის მონაწილე გუნდები არიან: ღორჯომელი, ოლიმპი, ტორტუგა, დიდგორი, დილომი, გალაქტიკო, შანხაი, თბილისი იუნაიტედი, თბილისი 2019, იბერია 2017, მფრინავი ჰოლანდიელი, თანგი, ბასიანი „ბ“, ჯვაროსნები, ფასკუნჯი, ქომაგები, ჯითისი, ბუნელა, ვარკეთილი, კოლხი, ბოლერზი, მაკულატურა, დინამო 2023, მგლები, ოლ სტარი, ჭილოვანი, ჯაოკენი, დინამო სოხუმი, ვერე, ფენიქსი, დინამო ურავი, იუნაითედ უნივერსი.

9

თბილისის ლიგა 2023-ის ჩატარების პირობები

1. „თბილისის ლიგა 2023“-ის კალენდარი დგება სსფა-ს მიერ. „თბილისის ლიგა 1“-ის და „თბილისის ლიგა 2“-ის ტურის მატჩები გაიმართება მცოცავი გრაფიკით, ძირითადად, შაბათსა და კვირას, მაგრამ აუცილებლობის შემთხვევაში, სსფა-ს საშეჯიბრო კომიტეტი განსაზღვრავს კვირის სხვა დღეებს მატჩების გასამართად, რაც კლუბებისათვის წინასწარ გახდება ცნობილი და ისინი ვალდებული იქნებიან მიიღონ მონაწილეობა ჩანიშნულ შეხვედრებში.

2. „თბილისის ლიგა 2023“-ში ქულების დარიცხვა ხდება შემდეგნაირად: **მოგება - 3 ქულა; ფრე - 1 ქულა; წაგება - 0 ქულა.**
3. გუნდის ოფიციალური წარმომადგენელი ვალდებულია მატჩის დაწყებამდე 20 (ოცი) წუთით ადრე მატჩის დელეგატს/კოორდინატორს წარუდგინოს კონკრეტული მატჩის განაცხადში შეყვანილი მოთამაშეები.
4. გუნდის ოფიციალური წარმომადგენელი ან მწვრთნელი ვალდებულია მატჩის დაწყებამდე 15 წუთით ადრე მატჩის ოქმში შეიყვანოს მატჩზე გამოცხადებული მოთამაშეების სახელები სათამაშო ნომრების მითითებით. მატჩის ოქმს პირველად ავსებს ნომინალური მასპინძელი გუნდის წარმომადგენელი ან მწვრთნელი.
5. მოედნიდან გაძევებულ მოთამაშესა და მწვრთნელს სათადარიგოებს შორის ყოფნა ეკრძალება და უნდა გადაინაცვლოს ტრიბუნაზე.
6. თითოეული გუნდის ძირითად შემადგენლობაში უნდა იყოს მინიმუმ 7 ფეხბურთელი. თუ მატჩის დაწყების დროს გუნდის შემადგენლობაში არ იქნება განაცხადში მყოფი სულ მცირე 7 ფეხბურთელი, თამაში არ დაიწყება, გუნდს ჩაეთვლება ტექნიკური წაგება - ანგარიშით 0-3 (მეორე გუნდის მოგება) და დაეკისრება ფულადი სანქცია სსფა-ს სადისციპლინო კოდექსის შესაბამისად.
7. თუ რომელიმე გუნდი სხვადასხვა მიზეზით თამაშის მიმდინარეობისას მოედანზე დარჩება 7-ზე ნაკლები მოთამაშით - თამაში შეწყდება. საკითხი განსახილველად გადაეცემა საშეჯიბრო კომიტეტს.
8. თუ გუნდების სათამაშო ფორმები მსგავსია, საკითხი, თუ რომელი გუნდი გამოიყენებს ფერის განმასხვავებელ გადასაცმელს, გადაწყდება კენჭისყრით.
9. დაუშვებელია უკვე რეგისტრირებული გუნდის სახელისა და ლოგოს შეცვლა ჩემპიონატის მიმდინარეობისას, ნებისმიერ ეტაპზე. თუ გუნდი შეიცვლის სათამაშო ფორმას, აღნიშნულის შესახებ, წინასწარ, წერილობით უნდა აცნობოს საშეჯიბრო კომიტეტს და მიიღოს თანხმობა.
10. „თბილისის ლიგა 2023“-ის კალენდარულ მატჩებში არ არის განსაზღვრული ცვლილების რაოდენობის ლიმიტი, თუმცა, ცვლილების განხორციელება (მატჩის შეჩერება და შესაბამისი პროცედურა) შესაძლებელია მხოლოდ ოთხჯერ, მატჩის მიმდინარეობისას - ეს არ გულისხმობს შესვენების დროს პირველ და მეორე ტაიმს შორის. შეცვლილი მოთამაშის მოედანზე დაბრუნება დაუშვებელია.
11. სათადარიგო მოთამაშეთა მოთელვა უნდა ხდებოდეს მთავარი მსაჯის მიერ მითითებულ ადგილზე.
12. თამაშის დროს, სათამაშო კარის უკან, შესაბამის ადგილას დგომის უფლება აქვთ მხოლოდ ფოტოკორესპოდენტებს, ტელეოპერატორებს და ბურთის მომწოდებელ პირებს.
13. დელეგატი/კოორდინატორი და მსაჯი ვალდებული არიან მატჩის დაწყებამდე 10 წუთით ადრე ჩაატარონ თათბირი, რომელშიც მონაწილეობას მიიღებენ ორივე გუნდის წარმომადგენლები.
14. მატჩის დაწყებისა და დამთავრების შემდეგ მოთამაშეები ვალდებული არიან, ხელი ჩამოართვან ერთმანეთსა და მსაჯებს და დაემშვიდობონ მაყურებელს.
15. თუ გუნდი მოიხსნება თბილისის ლიგაში გასამართი მატჩების ნახევრის ჩატარებამდე, მის მიერ ჩატარებული ყველა შეხვედრის შედეგი გაუქმდება და გუნდი წაიშლება გათამაშების ცხრილიდან. მოხსნილი გუნდი მომდევნო სეზონში ასპარეზობის სურვილის შემთხვევაში, დაქვეითდება რანგით ყველაზე დაბალ ლიგაში.

16. თუ გუნდი მოიხსნება თბილისის ლიგაში გასამართი მატჩების ნახევრის ჩატარების შემდეგ, მის მიერ ჩასატარებელი ყველა დარჩენილი შეხვედრა ჩაეთვლება წაგება 0-3, ხოლო ჩატარებული მატჩების შედეგები რჩება უცვლელი. მოხსნილი გუნდი მომდევნო სეზონში ასპარეზობის სურვილის შემთხვევაში, დაქვეითდება რანგით ყველაზე დაბალ ლიგაში.
17. ტექნიკური მოგების შემთხვევაში, ჩემპიონატის სატურნირო ცხრილის გატანილი გოლების მაჩვენებელში გუნდს ემატება 3 გოლი, ხოლო წაგებულ გუნდს - გაშვებული გოლების გრაფაში.
18. ჩემპიონატის მსვლელობისას, მოთამაშე 3 (სამი) ყვითელი ბარათის სხვადასხვა მატჩში მიღების შემთხვევაში გამოტოვებს მომდევნო ერთ მატჩს, წითელი ბარათის მიღების შემთხვევაში, ასევე, ერთ მატჩს, ხოლო განსაკუთრებულ შემთხვევაში, სადისციპლინო ორგანო იმსჯელებს და დაადგენს დისკვალიფიკაციის სახესა და ვადას. იმ შემთხვევაში, თუ დარღვევა შეიცავს სისხლის ან ადმინისტრაციული სამართალდარღვევის ნიშნებს, საქმე გადაეცემა შესაბამის ორგანოებს. საკუთარი გუნდის ფეხბურთელების ბარათების რაოდენობის სიზუსტეზე პასუხისმგებელი პირები არიან მწვრთნელი და წარმომადგენელი, რომლებმაც აღნიშნული საკითხი უნდა გააკონტროლონ სსფა-ს საშეჯიბრო კომიტეტთან.
19. თუ დისკვალიფიცირებული ფეხბურთელი ტოვებს მატჩს, რომელიც იმ გუნდის, რომლის განაცხადშიც იმყოფება აღნიშნული ფეხბურთელი, ტექნიკური წაგებით დასრულდება, ამ ფეხბურთელის დისკვალიფიკაცია გადავა მომდევნო მატჩზე. თუ დისკვალიფიცირებული ფეხბურთელი ტოვებს მატჩს, რომელიც მოწინააღმდეგე გუნდის ტექნიკური წაგებით დასრულდება, მას დისკვალიფიკაცია მოხდითადა ჩაეთვლება.
20. თუ შეწყვეტილი მატჩის ოქმში მყოფი მოთამაშე ან მწვრთნელი, შეწყვეტილი მატჩის გაგრძელებამდე, სხვა მატჩში მიიღებს დისკვალიფიკაციას, მას აქვს განახლებულ (შეწყვეტილ) მატჩში მონაწილეობის უფლება, ხოლო დისკვალიფიკაცია გადავა მომდევნო მატჩ(ებ)ზე.
21. თუ მატჩი შეწყდა განაცხადში მყოფი პირის (ფეხბურთელის, მწვრთნელის ან ოფიციალური წარმომადგენლის) მიერ, მატჩის მსაჯ(ებ)ის ჯანმრთელობის განზრახ დაზიანების ან ფიზიკური შეურაცხყოფის გამო, რის შემდეგაც შეუძლებელია მსაჯ(ებ)ის მიერ აღნიშნული მატჩის გაგრძელება, გუნდს ჩაეთვლება ტექნიკური წაგება - ანგარიშით 0-3. დამრღვევი პირის დისკვალიფიკაციის რაოდენობაზე და ვადაზე დამატებით იმსჯელებს სსფა-ს სადისციპლინო კომიტეტი, სადისციპლინო კოდექსის საფუძველზე.
22. „თბილისის ლიგა 1“-ში და „თბილისის ლიგა 2“-ში მიღებული ბარათები არ მოქმედებს „მოყვარულთა ლიგა 2023“-ის რეგიონული ლიგების გათამაშებაში, და პირიქით.
23. „თბილისის ლიგა 2023“-ის ლიგა 1-ის მატჩის თითოეული ტაიმი გრძელდება 45 (ორმოცდახუთი) წუთი, ხოლო ლიგა 2-ის მატჩის თითოეული ტაიმი გრძელდება 40 (ორმოცი) წუთი. ტაიმებს შორის შესვენება გრძელდება 15 (თხუთმეტი) წუთი.
24. დებულების მე-8 მუხლის მე-11 პუნქტში მითითებული ფლეი-ოფის მატჩის თითოეული ტაიმი გრძელდება 40 (ორმოცი) წუთი.
25. მატჩის მთავარი მსაჯი უფლებამოსილია თითოეულ ტაიმს დაამატოს გონივრული დრო მატჩის მიმდინარეობის სხვადასხვა მიზეზით შეფერხების შემთხვევაში.
26. მატჩის დაწყების დრო შეიძლება შეიცვალოს მხოლოდ იმ შემთხვევაში, თუ მატჩის დაწყება ჭიანურდება სსფა-სგან დამოუკიდებელი მიზეზების გამო.
27. ჩემპიონატის მატჩები ჩატარდება IFAB-ის წესების თანახმად.

10

მოთამაშის რეგისტრაცია გუნდში

1. „თბილისის ლიგა 2023“-ის მიმდინარეობისას მოთამაშეთა რეგისტრაციის წესები განისაზღვრება ამ მუხლის მიხედვით.
2. მოთამაშის რეგისტრაცია შესაძლებელია ორი განსხვავებული წესით, სატრანსფერო და არასატრანსფერო პერიოდში.
3. სსფა-ში, „თბილისის ლიგა 2023“-ის მონაწილე გუნდის მიერ, შეტანილი განაცხადის შესაბამისი თანხის გადახდის გარეშე შეცვლა, რაც მოიცავს როგორც გუნდიდან გუნდში, ასევე, თავისუფალი ფეხბურთელის გადასვლას, შესაძლებელია სატრანსფერო პერიოდის განმავლობაში, რომელიც განსაზღვრულია 2023 წლის 5 ივნისიდან 2023 წლის 31 აგვისტოს ჩათვლით.
4. ტრანსფერის განხორციელების შემთხვევაში ახალმა გუნდმა სსფა-ს უნდა წარუდგინოს სატრანსფერო ფურცელი, რომელსაც ხელს აწერს ორივე გუნდის წარმომადგენელი (იხ. დანართი 1)
5. სატრანსფერო პერიოდში თავისუფალი ფეხბურთელის დამატების შემთხვევაში სამოყვარულო საფეხბურთო გუნდმა სსფა-ს უნდა წარუდგინოს განცხადება ამ ფეხბურთელის დამატების შესახებ (იხ. დანართი 2)
6. იმ შემთხვევაში, თუ სატრანსფერო პერიოდი ემთხვევა თბილისის ლიგის მატჩების მიმდინარეობას, ტრანსფერის განხორციელება შესაძლებელია შემდეგი წესით:
 - თუ ტური იმართება შაბათ-კვირას ან ორშაბათს, ტრანსფერი, შესაბამისი პროცედურებით, უნდა დასრულდეს იმავე კვირის არაუგვიანეს ხუთშაბათს, დღის ბოლომდე;
 - თუ ტრანსფერის მსურველმა გუნდმა მატჩი უნდა გამართოს შუა კვირაში, ამ შემთხვევაში, ტრანსფერი, შესაბამისი პროცედურებით, უნდა დასრულდეს მატჩის წინა დღეს.
7. თითოეულ გუნდს, სურვილის შემთხვევაში, უფლება აქვს, ტურნირის მიმდინარეობისას, თავისუფალი აგენტის სტატუსით (არარეგისტრირებული მოთამაშე), დაიმატოს მოთამაშეები იმ პირობით, რომ საერთო ჯამში, გუნდის განაცხადში არსებული მოყვარული ფეხბურთელების ოდენობა არ აღემატება 40-ს (ორმოცი). თითოეული მოთამაშის დამატებისათვის სამოყვარულო საფეხბურთო გუნდი წინასწარ იხდის დადგენილ თანხას - 50 (ორმოცდაათი) ლარს და ოფიციალურად არეგისტრირებს ფეხბურთელს განაცხადში. მხოლოდ ამის შემდეგ ეძლევა უფლება მოთამაშეს მიიღოს მონაწილეობა მატჩებში. ამავდროულად, აღნიშნული 40 მოთამაშის კვოტაში გუნდს, იგივე პირობებით, სეზონის მიმდინარეობისას, შეუძლია განახორციელოს ცვლილება, ნებისმიერი რაოდენობით, თუმცა, თუ ეს ცვლილება ხორციელდება არასატრანსფერო პერიოდში, გუნდი დაიმატებს მხოლოდ თავისუფალი აგენტის სტატუსის მქონე მოთამაშეს.
8. 10.8. პუნქტის მიხედვით ფეხბურთელის დამატების შემთხვევაში სამოყვარულო საფეხბურთო გუნდმა სსფა-ს უნდა წარუდგინოს განცხადება ამ ფეხბურთელის დამატების შესახებ (იხ. დანართი 3)
9. 10.8. პუნქტში მითითებული წესით მოთამაშის დამატების შემთხვევებზე ვრცელდება

10.7. პუნქტში მითითებული წესები.

10. მოყვარულ ფეხბურთელს უფლება აქვს, მოყვარულთა ლიგის ერთი სრული სეზონის განმავლობაში, დარეგისტრირდეს მაქსიმუმ სამი გუნდის შემადგენლობაში. ეს პირობა მოიცავს როგორც თბილისის ლიგის, ასევე, მუნიციპალური და რეგიონული ლიგების გათამაშებებს, ასევე, ფინალურ ეტაპს.

11

სათამაშო ფორმა - სავალდებულო ეკიპირება

1. ფეხბურთელის სავალდებულო ეკიპირება განისაზღვრება შემდეგი ნივთებით:
 - მაისური სახელოებით;
 - შორტი;
 - გეტრი - სახვევი ან რაიმე მასალა, რომელიც გამოყენებულია ან ჩაცმულია გეტრის ზემოდან, უნდა იყოს გეტრის იმ ნაწილის ფერი, რომელზეც არის გამოყენებული ან რომელსაც ფარავს;
 - წვივსაფარი - დამზადებული უნდა იყოს შესაფერისი მასალისგან, რათა უზრუნველყოს საფუძვლიანი დაცვა და დაფარული უნდა იყოს გეტრით. წვივსაფარის გამოყენება სსფა-ის ეგიდით გამართულ ჩემპიონატებში სავალდებულო არ არის და ფეხბურთელებს შეუძლიათ მისი გამოყენება სურვილისამებრ;
 - ფეხსაცმელი (ე.წ. ბუცი ან დაბალ შიპებიანი ფეხსაცმელი).
2. მეკარეებს შეუძლიათ ჩაიცვან სპორტული შარვალი.

12

სათამაშო ფორმის ფერი

1. მატჩის მონაწილე ორივე გუნდმა უნდა ჩაიცვას ისეთი ფერის ფორმები, რაც განასხვავებს მათ ერთმანეთისაგან და მსაჯებისაგან.
2. ორივე მეკარემ უნდა ჩაიცვას ისეთი ფერის ფორმები, რაც განასხვავებს მათ სხვა ფეხბურთელებისგან და მსაჯებისაგან.
3. თუ ორი მეკარის ფორმა ერთნაირი ფერისაა და მათ არ გააჩნიათ სხვა მაისური, მსაჯმა უნდა დაიწყოს მატჩი.
4. სათამაშო ფორმის შიდა მაისური უნდა იყოს ფორმის მაისურის სახელოს ძირითადი ფერის.
5. სათამაშო ფორმის შიდა შორტი უნდა იყოს ფორმის შორტის ძირითადი ფერის ან შორტის ყველაზე ქვედა ნაწილის ფერის.
6. ერთი და იმავე გუნდის ფეხბურთელებმა უნდა ჩაიცვან ერთნაირი ფერის ფორმები.

13

უსაფრთხო ეკიპირება

1. მოცემული რეგულაციის მიზანია სამართლიანი თამაშის წესების შესაბამისად

უზრუნველყოს თანაბარი მოპყრობა სამოყვარულო საფეხბურთო გუნდების/კლუბების მიმართ.

2. ფეხბურთელმა არ უნდა გამოიყენოს ისეთი ეკიპირება ან ჩაიცვას ისეთი რამ, რაც საფრთხეს შეუქმნის თავად ამ ფეხბურთელის ან/და მატჩის მონაწილე სხვა პირების ჯანმრთელობას და სიცოცხლეს. ყველანაირი სამკაულის ტარება აკრძალულია (ყელსაბამი, ბეჭედი, საყურე, სამაჯური, ტყავის სახვევი, რეზინის სახვევი და ა.შ.) და უნდა იყოს მოხსნილი. აკრძალულია სახვევის გამოყენება სამკაულის დასაფარად.
3. ფეხბურთელების შემოწმება უნდა მოხდეს მატჩის დაწყებამდე, ხოლო სათადარიგო ფეხბურთელების - სათამაშო მოედანზე შესვლამდე. თუ ფეხბურთელი ატარებს ან იყენებს აკრძალულ/სახიფათო ეკიპირებას ან სამკაულს, მსაჯმა უნდა მოსთხოვოს ფეხბურთელს:
 - მოიხსნას ნივთი
 - დატოვოს სათამაშო მოედანი თამაშის მომდევნო გაჩერებისას, თუ მას არ შეუძლია ან არ სურს მოთხოვნის შესრულება. ასეთი ფეხბურთელი გუნდის მიერ უნდა იქნას შეცვლილი სხვა ფეხბურთელით. თუ გუნდის შეცვლების ლიმიტი ამოწურულია, გუნდი მოედანზე რჩება ერთი ნაკლები ფეხბურთელით.
4. ფეხბურთელი, რომელიც უარს აცხადებს მოთხოვნის შესრულებაზე ან კვლავ ატარებს საგანს, უნდა იყოს გაფრთხილებული. თუ ფეხბურთელმა გაფრთხილების შემდეგაც არ შეასრულა მსაჯის მითითება, მსაჯს უფლება აქვს ასეთი ფეხბურთელი გააძევოს მოედნიდან.

14

სათამაშო ფორმების უზრუნველყოფა

1. თბილისის ლიგა 1-ის და თბილისის ლიგა 2-ის მონაწილე გუნდი ვალდებულია ჰქონდეს არანაკლებ ორი, ერთმანეთისგან მკვეთრად განსხვავებული ფერის სათამაშო ფორმა, რომლის მაისურის ზურგის მხარეს დატანილია ნომერი, ზომით არანაკლებ 15 სმ. მაისურზე ნომრები შეიძლება დატანილი იყოს 1-დან 99-ის ჩათვლით, ხოლო მაისურის მკერდზე, გულის მხარეს დატანილი უნდა იყოს გუნდის ლოგო.
2. თბილისის ლიგა 1-ის და თბილისის ლიგა 2-ის მონაწილე გუნდის თითოეული სათამაშო ფორმის კომპლექტზე აკრძალულია ნებისმიერი სხვა ჩემპიონატის ლოგოს განთავსება, გარდა „მოყვარულთა ლიგა“-ს ლოგოსი.
3. ამ მუხლის მე-2 პუნქტით განსაზღვრული პირობის შესასრულებლად თბილისის ლიგა 1-ის და თბილისის ლიგა 2-ის მონაწილე გუნდებს განესაზღვროს ვადა ჩემპიონატის დაწყებამდე არაუგვიანეს 3 კალენდარული დღისა. აღნიშნულ ვადაში მე-2 პუნქტით განსაზღვრული პირობის შეუსრულებლობის შემთხვევაში გუნდი/კლუბი სსფა-ის მიერ დაჯარიმდება 100 ლარით. ამ პუნქტით განსაზღვრული ვადის გახანგრძლივება დაუშვებელია. ასეთი სანქციის დასაწესებლად არ არის საჭირო სადისციპლინო ორგანოს გადაწყვეტილება და სანქციის დაკისრების შესახებ გადაწყვეტილებას იღებს სსფა-ის საშეჯიბრო კომიტეტი. აღნიშნული სანქცია საბოლოოა და არ საჩივრდება, ასევე, დაუშვებელია ასეთი სანქციის ოდენობის გაზრდა.

4. ამ მუხლის მე-6 პუნქტით განსაზღვრული ჯარიმის გადახდის ვადაა 5 სამუშაო დღე. აღნიშნულ ვადაში ჯარიმის გადაუხდელობის შემთხვევაში დამრღვევ გუნდს/კლუბს შეუჩერდება მონაწილის სტატუსი და ვეღარ მიიღებს ჩემპიონატის მატჩებში მონაწილეობას მანამ, სანამ სრულად არ დაფარავს სსფა-ის მიერ დაკისრებულ სანქციას.
5. „თბილისის ლიგა 2023“-ის მონაწილე გუნდებს/კლუბებს უფლება აქვთ სათამაშო ფორმაზე მაისურის წინა მხარეს დაიტანონ სპონსორის ლოგო ან/და სოციალური კამპანიის გამომხატველი ფრაზა, რომელიც არ ეწინააღმდეგება ამ ინსტრუქციით განსაზღვრულ წესებს.
6. „თბილისის ლიგა 1“-ისა და „თბილისის ლიგა 2“-ის მონაწილე გუნდების კაპიტნებმა მატჩის დაწყებიდან დასრულებამდე უნდა ატარონ კაპიტნის სამკლავური. იმ შემთხვევაში, თუ გუნდის კაპიტანი იქნება შეცვლილი, გაძევებული, ტრავმის გამო ან სხვა მიზეზით დატოვებს მოედანს კაპიტნის სამკლავური გადაეცემა გუნდის ვიცე-კაპიტანს. მატჩის დასრულებამდე, თითოეული გუნდიდან ერთი ფეხბურთელი მოედანზე აუცილებლად უნდა იყოს კაპიტნის სამკლავურით.
7. ამ მუხლის მე-6 პუნქტით განსაზღვრული წესის დარღვევის შემთხვევაში, სსფა-ის საშეჯიბრო კომიტეტს უფლება აქვს დამრღვევ გუნდს დაუწესოს ჯარიმა, რომლის ოდენობა არ უნდა აღემატებოდეს 50 ლარს თითოეული მატჩისათვის. ასეთი სანქციის დასაწესებლად არ არის საჭირო სადისციპლინო ორგანოს გადაწყვეტილება. აღნიშნული სანქცია საბოლოოა და არ საჩივრდება, ასევე, დაუშვებელია ასეთი სანქციის ოდენობის გაზრდა.

15 ფარმ-გუნდი

1. „თბილისის ლიგა 1“-ში რეგისტრირებულ თითოეულ (მთავარ) გუნდს უფლება აქვს ჰყავდეს ფარმ-გუნდი „თბილისის ლიგა 2“-ში, რომელიც რეგისტრირებული იქნება სსფა-ში ამ დებულების 7.7. მუხლის მოთხოვნების დაცვის შესაბამისად.
2. მთავარ გუნდს უფლება აქვს „თბილისის ლიგა 1“-ის ნებისმიერი მატჩის ოქმში შეიყვანოს ფარმ-გუნდის განაცხადში მყოფი არაუმეტეს 5 (ხუთი) მოთამაშე; ხოლო, ფარმ-გუნდს უფლება აქვს „თბილისის ლიგა 2“-ის ნებისმიერი მატჩის ოქმში შეიყვანოს მთავარი გუნდის განაცხადში მყოფი არაუმეტეს 3 (სამი) მოთამაშე.
3. „თბილისის ლიგა 1“-ისა და „თბილისის ლიგა 2“-ის გათამაშების ერთი და იგივე სამატჩო კვირას (იგულისხმება შუა კვირაც) ფეხბურთელს უფლება აქვს მონაწილეობა მიიღოს მხოლოდ ერთ მატჩში - მთავარი ან ფარმ-გუნდის შემადგენლობაში.
4. თუ მთავარი გუნდი დაარღვევს ამ დებულების 15.2. მუხლით განსაზღვრულ მოთხოვნას და თბილისის ლიგის ერთი და იგივე ტურში, მატჩის ოქმში შეიყვანს ფარმ-გუნდის ხუთზე მეტ ფეხბურთელს, ან ფარმ-გუნდი შეიყვანს მთავარი გუნდის სამზე მეტ ფეხბურთელს, გუნდს ჩაეთვლება ტექნიკური წაგება - ანგარიშით 0-3 და დაფიქსირდება მეორე გუნდის მოგება, მიუხედავად მოწინააღმდეგე გუნდთან ნაჩვენები შედეგისა.
5. თუ მთავარი ან ფარმ-გუნდის შემადგენლობაში მყოფმა რომელიმე ფეხბურთელმა 15.3. პუნქტის დარღვევით ითამაშა ორივე გუნდის შემადგენლობაში, ორივე გუნდს ჩაეთვლება

ტექნიკური წაგება - ანგარიშით 0-3 (მეორე გუნდის მოგება)

6. ფეხბურთელი, რომელიც შეყვანილი იყო როგორც მთავარი, ასევე ფარმ-გუნდის მატჩის ოქმებში, 3 (სამი) ყვითელი ან წითელი ბარათის მიღების შემთხვევაში (მიუხედავად იმისა, თუ რომელი გუნდის შემადგენლობაში (მთავარი თუ ფარმ-გუნდის) მიიღო ბარათები), გამოტოვებს თბილისის ლიგის მომდევნო ტურს.
7. თუ მთავარი გუნდი მოიპოვებს „მოყვარულთა ლიგა 2023“-ის ფინალურ ეტაპზე ასპარეზობის უფლებას, მას უფლება აქვს ფინალური ეტაპის განაცხადში შეიყვანოს ფარმ-გუნდის განაცხადში მყოფი არაუმეტეს 5 (ხუთი) მოთამაშე.
8. გუნდს უფლება არ აქვს ჰყავდეს ფარმ-გუნდი იმავე ლიგაში.
9. თუ „თბილისის ლიგა 2“-ში მონაწილე ფარმ-გუნდი ჩემპიონატის დასრულების შემდეგ ჯგუფში გადამსვლელ ადგილს დაიკავებს, ის მიიღებს ამ დებულებით დადგენილ ფულად პრიზს, ასეთის არსებობის შემთხვევაში, მაგრამ ვერ იასპარეზებს მისი მთავარი გუნდის ლიგაში, მომდევნო სეზონში. ასეთ ადგილს დაიკავებს ჯგუფში მომდევნო ადგილზე მყოფი გუნდი.

16

თბილისის ლიგის ჩატარების ადგილი

1. „თბილისის ლიგა 2023“ გაიმართება ქალაქ თბილისში სსფა-ს და სფფ-ს მიერ წინასწარ განსაზღვრულ საფეხბურთო მოედნებზე.
2. განსაკუთრებულ შემთხვევაში, „თბილისის ლიგა 2023“-ის კალენდარული მატჩი შეიძლება გადატანილ იქნას სხვა სტადიონზე. სსფა ვალდებულია გუნდებს გონივრულ ვადაში აცნობოს აღნიშნული გარემოების შესახებ.
3. მატჩის დელეგატი/კოორდინატორი და მსაჯები ვალდებული არიან ყველა ღონე იხმარონ მატჩის ჩასატარებლად და ამის შესახებ აცნობონ სსფა-ს საშეჯიბრო კომიტეტს. დაწყებული მატჩის შეწყვეტა და შემდგომში გაგრძელება შესაძლებელია, მხოლოდ ფორსმაჟორული მდგომარეობისას (წყალდიდობა, დიდთოვლობა, ხანძარი, მიწისძვრა და სხვა ბუნებრივი მოვლენები) და გაუთვალისწინებელი შემთხვევებისას (საგანგებო მდგომარეობისას), რომლებიც მატჩის ორგანიზატორებისა და მონაწილეებისაგან დამოუკიდებლად ხდება.
4. თუ მატჩი შეწყდა 16.3. მუხლში განსაზღვრული მდგომარეობის გამო და მატჩის გაგრძელება მისი შეწყვეტის დღეს ვერ მოხერხდა, სსფა-ს საშეჯიბრო კომიტეტის მიერ დაინიშნება მატჩის გაგრძელების თარიღი და ადგილი. განახლებული მატჩის (ანგარიში, სადისციპლინო სანქციები - წითელი და ყვითელი ბარათები ძალაშია) სათამაშო დროდ განისაზღვრება შეწყვეტილი მატჩის შეწყვეტიდან მატჩის დასრულებამდე დარჩენილი დრო. გაგრძელებულ მატჩში მონაწილეობის უფლება აქვთ, მხოლოდ შეწყვეტილი მატჩის ოქმში შეყვანილ მოთამაშეებს.

17

მსაჯობა

1. „თბილისის ლიგა 2023“-ის მატჩებს მოემსახურებიან საქართველოს ფეხბურთის ფედერაციის მიერ რეკომენდებული და დამტკიცებული მსაჯები. მსაჯობა ხორციელდება „FIFA“-ს წესების შესაბამისად.

- 2.არბიტრთა ბრიგადა შედგება მთავარი და ორი ასისტენტი არბიტრისაგან. თითოეულმა მატჩზე მსაჯთა ბრიგადას ნიშნავს სსფ-ის სამსაჯო განყოფილება, არბიტრთა არსებული რესურსის მიხედვით.
- 3.მატჩზე მთავარი მსაჯის გამოუცხადებლობის ან მის მიერ მატჩის გაგრძელების შეუძლებლობის შემთხვევაში მის ფუნქციებს შეასრულებს პირველი ასისტენტი (გვერდითი) მსაჯი.
- 4.მატჩის დელეგატი/კოორდინატორი დაუყოვნებლივ შეატყობინებს სამსაჯო განყოფილებას რომელიმე არბიტრის გამოუცხადებლობისა და მისი ჩანაცვლების აუცილებლობის შესახებ.
- 5.მსაჯი ვალდებულია წერილობით აღნიშნოს მოთამაშეთა გაფრთხილების და მინდვრიდან გაძევების შემთხვევები დროის მითითებით. მატჩის დროს მომხდარი საგანგებო შემთხვევის შესახებ მსაჯმა დაუყოვნებლივ უნდა აცნობოს მატჩის დელეგატს/კოორდინატორს. მატჩის შემდეგ, არბიტრი მატჩის ოფიციალურ ოქმში, დელეგატის/კოორდინატორის თანდასწრებით მიუთითებს ინფორმაციას მატჩისას მომხდარი ნებისმიერი მნიშვნელოვანი მოვლენის შესახებ ინფორმაციას (მ.შ. სადისციპლინო დარღვევები)
- 6.მოთამაშის ტრავმის შემთხვევაში, არბიტრი აჩერებს შეხვედრას გონივრული ვადით, სანამ მოედანზე მყოფ მოთამაშეს დახმარებას აღმოუჩენს სსფ-ის მიერ დაქირავებული კვალიფიციური ექიმი.
- 7.მატჩებზე მსაჯის მომსახურების თანხას იხდის სსფა.

18

მატჩის დელეგატი და კოორდინატორი

1. ჩემპიონატის მატჩების უკეთ ორგანიზებისა და მატჩის მონაწილეთა უსაფრთხოების დაცვის მიზნით, ჩემპიონატის მატჩებზე ინიშნება დელეგატი და კოორდინატორი. დელეგატებს/კოორდინატორებს ნიშნავს სსფა-ს საშეჯიბრო კომიტეტი.
2. მატჩის დელეგატი/კოორდინატორი პასუხისმგებელია მატჩის ორგანიზებასთან დაკავშირებული საკითხების კონტროლზე. იგი უსაფრთხოების საკითხებზე თანამშრომლობს საზოგადოებრივი წესრიგის დაცვის წარმომადგენლებთან, სტადიონის დირექტორთან ან სტადიონის პასუხისმგებელ პირთან. დელეგატი/კოორდინატორი ვალდებულია აქტიური მონაწილეობა მიიღოს და გადაწყვიტოს მატჩის ჩატარებასთან დაკავშირებული ყველა საკითხი და ნებართვა გასცეს მატჩის ჩატარების შესახებ. დელეგატი/კოორდინატორი, ასევე, ვალდებულია აღნიშნოს მოთამაშეთა გაფრთხილების და მინდვრიდან გაძევების შემთხვევები, გატანილი გოლები, განხორციელებული ცვლილებები, მატჩის დროს მომხდარი საგანგებო შემთხვევები. ფორსმაჟორული სიტუაციის გამო მატჩის დაწყების ან დაწყებული მატჩის შეწყვეტის საკითხს წყვეტს მატჩის დელეგატი/კოორდინატორი, საშეჯიბრო კომიტეტთან შეთანხმებით.
3. საექვოობის შემთხვევაში, დელეგატს/კოორდინატორს უფლება აქვს, მატჩის მიმდინარეობისას მსაჯთან გადაამოწმოს მატჩში ნაჩვენები ბარათების ადრესატების სისწორე.
4. დელეგატი/კოორდინატორი ვალდებულია დაინიშნოს მატჩის დაწყებისა და დასრულების

დრო და აკონტროლოს თითოეული ტაიმის ხანგრძლივობა.

5. თითოეული მატჩის დასრულების შემდეგ, დელეგატი/კოორდინატორი ვალდებულია სათანადოდ შევსებული და მის მიერ ხელმოწერილი მატჩის ოქმი ხელმოსაწერად გადასცეს მატჩში მონაწილე გუნდების ოფიციალურ წარმომადგენლებს, მსაჯებს, ექიმსა და უსაფრთხოების დაცვის თანამშრომელს. რომელიმე გუნდის ოფიციალური წარმომადგენლის ადგილზე არყოფნის შემთხვევაში, მატჩის ოქმს ხელს აწერს გუნდის კაპიტანი.
6. გუნდის ოფიციალური წარმომადგენლის ან კაპიტნის მიერ მატჩის ოქმის ხელმოწერაზე უარის თქმის შემთხვევაში, დელეგატი/კოორდინატორი ვალდებულია ოქმში აღნიშნოს უარის თქმის მიზეზი.
7. გუნდის ოფიციალური წარმომადგენლის ან კაპიტნის მიერ მატჩის ოქმის ხელმოწერაზე უარის თქმა, ეჭვქვეშ არ აყენებს მატჩის ოქმში შეტანილი მონაცემების სანდოობას.
8. ერთ მატჩზე რამდენიმე დელეგატის/კოორდინატორის დასწრების შემთხვევაში, მატჩის ოქმზე ხელმოწერა სავალდებულოა ნებისმიერი ერთი დელეგატისათვის/კოორდინატორისათვის.
9. სათანადოდ შევსებულ და ხელმოწერილ ოქმებში ცვლილებების შეტანა დაუშვებელია.

19

სამედიცინო და უსაფრთხოების საკითხები

1. „თბილისის ლიგა 2023“-ის მატჩების მიმდინარეობისას სამედიცინო უსაფრთხოებას უზრუნველყოფს სსფა-ს მიერ დაქირავებული კვალიფიციური ექიმი. საჭიროების შემთხვევაში მატჩის დელეგატი/კოორდინატორი გამოიძახებს სასწრაფო სამედიცინო დახმარებას.
2. გუნდის წარმომადგენელი ვალდებულია გუნდის განაცხადში შეიყვანოს მოთამაშე, რომელსაც აქვს ჩემპიონატში მონაწილეობისათვის შესაბამისი ჯანმრთელობის მდგომარეობა და ფიზიკური მომზადება. ფეხბურთელების ჯანმრთელობის მდგომარეობაზე პასუხისმგებელია გუნდის ოფიციალური წარმომადგენელი.
3. თითოეული გუნდი და გუნდის გულშემატკივარი ვალდებულია მატჩის მსვლელობისას დაიცვას უსაფრთხოების წესები; არ ჩაერთოს და არ შეუწყოს ხელი არეულობასა და კონფლიქტს. წინააღმდეგ შემთხვევაში, დამრღვევი პირის ან/და გუნდის პასუხისმგებლობას განსაზღვრავს სსფა-ს სადისციპლინო ორგანო სადისციპლინო კოდექსის შესაბამისად. იმ შემთხვევაში, თუ დარღვევა შეიცავს სისხლის ან ადმინისტრაციული სამართალდარღვევის ნიშნებს, საქმე გადაეცემა შესაბამის ორგანოებს.
4. „თბილისის ლიგა 2023“-ის მატჩების მიმდინარეობისას უსაფრთხოებას უზრუნველყოფს სსფა-ს მიერ დაქირავებული დაცვის სამსახური. საჭიროების შემთხვევაში გამოიძახებული იქნება საპატრულო პოლიცია.

20.

დაჯილდოება

1. „თბილისის ლიგა 1“-ის გამარჯვებულ გუნდს ენიჭება ჩემპიონის ტიტული. გუნდი ჯილდოვდება გარდამავალი თასით და გუნდის ყველა მოთამაშე იღებს მედალს.

თბილისის ლიგა 2-ის გამარჯვებული მიიღებს თასს, ხოლო მეორე ადგილოსან გუნდთან ერთად მიიღებს მედლებს. „თბილისის ლიგა 1“-ის პირველ, მეორე და მესამე ადგილებზე გასულ გუნდებს, ასევე, „თბილისის ლიგა 2“-ის „ა“ და „ბ“ ჯგუფების გამარჯვებულ გუნდებს, ჩემპიონატის დასრულების შემდეგ გადაეცემათ ფულადი პრიზები:

- ლიგა 1 - ის გამარჯვებული - 6 000 ლარი;
- ლიგა 1 - ის მეორე ადგილოსანი - 4 000 ლარი;
- ლიგა 1 - ის მესამე ადგილოსანი - 3 000 ლარი;
- ლიგა 2 - ის „ა“ ჯგუფის გამარჯვებული - 2 000 ლარი;
- ლიგა 2 - ის „ბ“ ჯგუფის გამარჯვებული - 2 000 ლარი.

2. თბილისის ლიგის საუკეთესო მოთამაშეებს, ინდივიდუალურ ნომინაციებში, გადაეცემათ შემდეგი პრიზები:

- თბილისის ლიგა 1-ის საუკეთესო მწვრთნელის პრიზი - ორგანიზის ჯილდო 25/12სმ;
- თბილისის ლიგა 2-ის საუკეთესო მწვრთნელის პრიზი - ორგანიზის ჯილდო 25/12სმ;
- თბილისის ლიგა 1-ის საუკეთესო მეკარის პრიზი - ორგანიზის ჯილდო 25/12სმ;
- თბილისის ლიგა 2-ის საუკეთესო მეკარის პრიზი - ორგანიზის ჯილდო 25/12სმ;
- თბილისის ლიგა 1-ის საუკეთესო მცველის პრიზი - ორგანიზის ჯილდო 25/12სმ;
- თბილისის ლიგა 2-ის საუკეთესო მცველის პრიზი - ორგანიზის ჯილდო 25/12სმ;
- თბილისის ლიგა 1-ის საუკეთესო ნახევარმცველის პრიზი - ორგანიზის ჯილდო 25/12სმ;
- თბილისის ლიგა 2-ის საუკეთესო ნახევარმცველის პრიზი - ორგანიზის ჯილდო 25/12სმ;
- თბილისის ლიგა 1-ის საუკეთესო ფეხბურთელის პრიზი - ორგანიზის ჯილდო 25/12სმ;
- თბილისის ლიგა 2-ის საუკეთესო ფეხბურთელის პრიზი - ორგანიზის ჯილდო 25/12სმ;
- თბილისის ლიგა 1-ის ბომბარდირის პრიზი - ორგანიზის ჯილდო 25/12სმ;
- თბილისის ლიგა 2-ის ბომბარდირის პრიზი - ორგანიზის ჯილდო 25/12სმ;
- თბილისის ლიგა 1-ის საუკეთესო მწვრთნელის პრიზი - სპორტული მაღაზიის 200 ლარიანი ვაუჩერი;
- თბილისის ლიგა 2-ის საუკეთესო მწვრთნელის პრიზი - სპორტული მაღაზიის 200 ლარიანი ვაუჩერი;
- თბილისის ლიგა 1-ის საუკეთესო ფეხბურთელის პრიზი - სპორტული მაღაზიის 200 ლარიანი ვაუჩერი;
- თბილისის ლიგა 2-ის საუკეთესო ფეხბურთელის პრიზი - სპორტული მაღაზიის 200 ლარიანი ვაუჩერი.

21. გაუთვალისწინებელი შემთხვევები

გაუთვალისწინებელი შემთხვევების დროს სსფა-ს უფლება აქვს მიიღოს შესაბამისი გადაწყვეტილება, გონივრული დასაბუთების საფუძველზე, ნებისმიერ რელევანტურ საკითხთან მიმართებით.

22. დასკვნითი დებულებები

თითოეული გუნდი, წარმომადგენლის მიერ ამ დებულების გაცნობით ცნობს და ემორჩილება დებულების ნორმებს, იღებს პასუხისმგებლობას მათ შესრულებაზე და შეუსრულებლობის შემთხვევაში ექვემდებარება სსფა-ს მიერ დადგენილ სანქციებს.

სსფა ემიჯნება ნებისმიერი სახის დისკრიმინაციას. „მოყვარულთა ლიგა 2023“-ის, მათ შორის „თბილისის ლიგა 2023“-ის ფარგლებში გამართულ ნებისმიერ მატჩში დაფიქსირებული დისკრიმინაციის შემთხვევაში, მოთამაშე დაისჯება ჩემპიონატიდან მოკვეთით, ხოლო გუნდი, ქულების დაკლებით. შესაბამის გადაწყვეტილებას მიიღებს სადისციპლინო კომიტეტი. დისკრიმინირებულ პირს შეუძლია გამოიყენოს შესაბამისი საჯარო სამართლებრივი ბერკეტები.

დებულება ძალაში შედის 2023 წლის 5 აპრილიდან.

საქართველოს სამოყვარულო ფეხბურთის ასოციაციის გამგეობა

დანართი 1. სატრანსფერო ფურცელი

თარიღი: __/__/____

ფეხბურთელი	
სახელი, გვარი	
პირადი ნომერი	
დაბადების თარიღი	
ტელეფონი	
ნომერი მაისურზე	

ყოფილი გუნდი	
სახელწოდება	
საიდენტიფიკაციო ნომერი	
წარმომადგენელი	
ტელეფონი	
ელ-ფოსტა	

ახალი გუნდი	
სახელწოდება	
საიდენტიფიკაციო ნომერი	
წარმომადგენელი	
ტელეფონი	
ელ-ფოსტა	

/-----/
(ყოფილი გუნდი)

/-----/
(ახალი გუნდი)

დანართი 2. ახალი ან თავისუფალი ფეხბურთელის დამატების შესახებ

საქართველოს სამოყვარულო ფეხბურთის ასოციაციას

სამოყვარულო საფეხბურთო გუნდის

გაცნობებთ, რომ გუნდის შემადგენლობაში ვიმატებთ (ახალი ან თავისუფალი) ფეხბურთელს რომელიც იასპარეზებს -----ნომრიანი მაისურით.

ფეხბურთელი	
სახელი, გვარი	
პირადი ნომერი	
დაბადების თარიღი	
ტელეფონი	
სტატუსი (ახალი ან თავისუფალი)	

გუნდი	
სახელწოდება	
საიდენტიფიკაციო ნომერი	
წარმომადგენელი	
ტელ:	
ელ-ფოსტა	

//.

(გუნდი)

//.

(თარიღი)

დანართი 3. თავისუფალი აგენტის სტატუსის მქონე ფეხბურთელის დამატების შესახებ

საქართველოს სამოყვარულო ფეხბურთის ასოციაციას

სამოყვარულო საფეხბურთო გუნდის

გაცნობებთ, რომ გუნდის შემადგენლობაში ვიმატებთ ფეხბურთელს (თავისუფალი აგენტის სტატუსით) რომელიც იასპარეზებს -----ნომრიანი მაისურით.

ფეხბურთელი	
სახელი, გვარი	
პირადი ნომერი	
დაბადების თარიღი	
ტელეფონი	

გუნდი	
სახელწოდება	
საიდენტიფიკაციო ნომერი	
წარმომადგენელი	
ტელ:	
ელ-ფოსტა	

//.
(გუნდი)

//.
(თარიღი)